

國朝先正事略

國朝先正事略卷之五十 循良

平江李元度次青墓

張燭如通守事略

張君名燭字燭如江蘇長洲人以官學教習需次縣令選河南登封縣爲人耐清苦練世故愷悌積中見義勃發登封自明季遭寇亂入本朝比歲不登民多失業君至誓於嶽神革除私斂招流亡督之耕種相土宜分種木棉及諸果實莅官甫五月大修學宮會諸生明倫堂深言萬物一體之義以爲在天曰元在人曰仁天人混合生化細縷誠能廓推蔽障蕩乎無垠覺性周流惻隱乃身達天之要於是焉存矣故其爲政一以敬恕爲

基期於使民各得其所。復嵩陽書院。延耿先生介爲之師導。諸生以程朱之學。自縣治達郊鄙。立學舍二十一所。課諸童子。以時巡閱。正句讀。導以揖讓進退之禮。月再集民讀法。置善惡簿。爲勸懲。閒策。驢。恐民舍問所苦恤。其兌獨有小爭訟。輒從。阡陌閒決之。進父老子弟。教以孝弟忠信廉恥禮義之節。聞者莫不灑然易慮也。縣西境有呂店者。俗好訟難治。君察里長張文約者。善士也。舉爲鄉約。禮遇之。俾行化導。俗爲一變。及文約將終。語其子曰。張公。厚我。謂我好。人又能動人作好人也。爾其勉之。甲長申爾瑞負杖。且受杖。路拾遺金二兩。視其封。則輸稅金也。疾走衙前。俟失金者。反之。君問詰爾瑞曰。爾既拾遺。盍充稅。

可免責而乃反人爲對曰小人安命甯受責終不敢利人之明
君曰義哉此奇男子也舉爲鄉約旌其門其後有王進寶魏光
大秦瓚者皆拾遺金而反失者焉高鵬舉死妻孟氏年少舅欲
強嫁之孟氏哭夫哀將自縊君微行遇之問其故勸還家給之
銀布免其徭歲時存問救其舅養之終身縣故多衙胥時獄訟
日蹙姦僞無所容諸胥稍稍自引去其在者更番執事退則據
耒耜爲農氓以在官無所得錢也開葶嶺二百里復古轅轅路
建古賢令祠修鄆公墓繚以垣歲三月率民致祭鄆公名廷誨
崇禎末爲登封令守城抗賊死者也歲飢糲粥以賑復移粟四
鄉分給老弱仍輸麥數百石俾及時種焉康熙二十一年自春

徂夏不雨。君囚服繫頸。暴日中拜。表引罪步。登少室東峽。冒夜行。達旦。汲泉水。反獄廟叩頭呼願。慘切俄而雨。大注。山有虎。鄉長郭九合者。將赴縣輸稅。夜夢。父告曰。爾有虎厄。明當避之。時方緩征。且過限。九合念不往。是負張公也。路出金星廟。果一虎當道。九合叱曰。畜生。我不懼死。獨慮違張公限耳。虎俯首避道。俄大吼向山南逝。自此境內無虎患。在官五年。民知向方。生聚日盛。家設位。旦夕尸祝。大書官清民樂於門。耿先生稱之曰。年來嵩嶺閒。別一世界矣。其程張二子晉城雲巖之匹亞乎。二十二年。以卓異薦遷廣西南甯通判。去之日。民遮道痛哭。既去。立四祠於四鄉。肖像以祀。榜曰。天下清官第一。至南甯。未幾乞歸。

旋遭母喪服除赴京師卒旅館年五十有六

董任庵部憲事略

董君宏毅字士超。號任庵。奉天人。隸漢軍正紅旗。康熙甲寅。由
監督授奉新知縣。時耿逆倡亂閩中。新昌甯州所在盜蜂起。十
月。新昌賊大至。君集兵弁約曰。吾雖文吏。今賊臨城下。當冒矢
石。與諸君共生死。乃戎服率賊獲二十餘人。各挽強弩。登敵樓。
把總胡來朝率營兵。武舉王顯先領鄉勇防禦甚固。時賊眾新
集。利速戰。君堅守圍數日。不得下。民情洶洶。君意城內必有應
賊者。夜半下偵之。老僕楊天爵執火從。至儒學門。有飛刀來。斫
者。君大驚。辟易走。天爵揮刃斷賊左臂。賊怒。隻手鬪。天爵益奮。
君繞學宮。踰後垣出。刺賊背。天爵斬之。賊失內應。有退心。十一

月朔。君出民兵。與賊前鋒戰。發一矢。獎僞左將軍某賊潰。追奔數里。斬敵亡算擒賊將六人。還。初。賊之至也。僕廬大成私計曰。城破。主人必殉。柰何。斬忠臣嗣。乃陰變服爲道士。負君幼子。國瑛遁。逢遇賊。欲殺之。卒以黃冠免。同時安義靖安皆陷。賊惟奉新。勦殺聲最著。無何賊復合。靖安甯州諸盜掠及縣境。君捍禦益力。乙卯冬。賊眾萬餘來犯。君與分巡道李世昌領兵大破賊於寒瀟嶺。招降僞參將劉應連等七十九人。賊兵六百六十九人。安集流亡男婦萬四百餘人。一城安堵如故。時兵荒後。民苦餓餽。君力請蠲。民困始蘇。越五年。以循良擢莊浪同知。去之日。民間號泣走送。聲震數十里。給董公殺賊圖以獻。既。歷官四

十餘年仕至左都御史卒年八十有二祀奉新名宦祠

劉衍泗明府事略

劉君繼聖字衍泗山東濰人以歲貢生授廣崇訓導遷蠡縣教諭正己率人士習丕變遷知湖廣慈利縣初滇賊反慈利被兵尤劇賊既平人民彫敝君以寬爲政不輕用刑與民語常呼爲兒有罪人被杖而呼君蹙然曰兒再忍一板慈利人皆相傳戒毋犯法戚我爺也尋病癱將告上官求去民間擁使者數輩皆不許往乃使其子僞他適者竟得告慈利民數萬詣上官乞罷上官遣人視之實病乃謝罷民民謁君流涕爲吮癰曰信也柰何時流亡新集方編審戶口民請君畢是役乃行慮代者之擾也及行費不給慈利民人出一錢以饋之凡數萬康熙四十三

年卒於家。

衛慎之太守事略

衛君立鼎字慎之山西陽城人康熙中官盧龍知縣地當兩京孔道驛使旁午君悉自營辦一不以擾民先是縣中徵糧勺抄以下皆用升合量徵草以銀代仍買草民間而低昂其適君令輸戶合奇零統歸斗斛及額而止納草者不用代民甚使之會聖祖命魏敏果公偕吏部侍郎科爾坤巡察畿內至盧龍已治具不食但啜茶一甌曰令飲盧龍一杯水吾亦飲令一杯水諸大獄悉以咨之君引經準律敏果大稱善格文清公爲直隸巡撫以事至其縣謂之曰令之苦無異秀才時然做秀才自苦耳今自苦而百姓樂非苦中之樂乎疏薦盧龍治行第一靈壽令

陸君隴其次之內遷戶部郎中。秩滿選福建知府。以年老致仕歸。

遲簡堂明府事略

遲君維坤字簡堂漢軍正白旗人康熙中任山東聊城知縣。月
以三。八。日。召。諸。生。課。文。禮。其。賢。者。能。者。問。政。事。得。失。歲。以。三。七
月。巡。行。畝。畝。視。田。之。荒。易。加。賞。罰。焉。額。征。冊。有。過。稅。八。百。兩。以
問。吏。故。無。田。主。歲。雜。取。他。戶。代。之。君。言。於。大。吏。以。新。墾。荒。地。補
稅。額。代。者。悉。免。故。事。縣。有。役。按。戶。徵。夫。吏。因。緣。爲。姦。君。令。履。畝
出。錢。二。改。爲。僱。役。上。官。下。其。法。於。他。州。縣。御。吏。嚴。有。犯。必。滿。治
之。縣。常。多。賊。陰。倚。捕。役。爲。主。君。杖。殺。其。桀。黠。者。一。人。賊。皆。遠。竄
設。櫃。徵。銀。令。納。者。自。投。其。中。耗。羨。無。所。取。官。府。與。作。必。如。直。給
工。匠。錢。又。人。與。之。食。買。器。物。一。從。市。價。商。民。頌。之。卒。祀。名。宦。祠。

張拘齋太守事略

張君克疑字偉公自號拘齋山西聞喜人敦質行遠於經學康熙十八年進士選庶吉士改刑部主事累遷郎中有獄連執政族人諸司莫敢任君請獨任之內務府以其人出使爲辭君鉤提益急媒問奉使何地歸何期至再三不答力請於長官謂宜入告事雖格聞者肅然尋出守廣西平樂府獠獠雜居盜不可詰君至浹月以信義服苗酋獲巨盜二人獎其一宥其一責令偵緝終君任盜不敢窺改知潮州府屬縣賊蜂起或稱明裔聚眾千餘人君聞卽日馳至其地命吏士速據白葉和山設疑兵嚴守而張軍營賊不敢偪會夜半大風起簡健卒二百斫其營

呼曰大兵至矣。城中鼓譟出兵以助之。賊奔祁山要擊之。斬巨魁三人。眾敗散。乞降。巡撫將上其功。君曰：「此盜耳。而稱明裔。與大獄株連多。轉恐生變。乃以盜案結潮有大黨。賊親迎者於路而奪其妻。拒捕經年。君微行迹而得之。獄成。當大辟。監司銜大府命爲之請。且曰：「稍遠。緩之。富以黃金四百鎰。潛至君家。君曰：「吾官可罷。獄不可濫也。卒真請法。或假親王命以開礦。大府不敢詰君。縛執之。其人出龍脾。眾色然駭。君命繫之。獄以脾申大府。情既得。立杖殺之。丁父憂。遂不出。或勸之曰：「吾性拘。幸而得歸。畏途可復。卽乎年七十有六。卒於家。子在堪。有學行。能立名。義從方望溪先生遊。」

王慎夫廉訪事略

王君諱縉。字慎夫。河南睢州人。少警敏。年十六。補弟子員。康熙丙寅。起家東明知縣。未一年。母憂歸。庚午。補獲鹿縣。尋入爲戶部員外郎。遷郎中。己卯。授江南糧儲道。辛巳。晉江蘇按察使。以疾告歸。其在東明也。縣錢糧多欺隱。居民流亡。君至。易甲長法。大戶用其族長催之。於是兼併不行。流亡者復業。縣分四十里。養馬一匹。以備官用。民苦其累。君勒石禁之。賈五雲。梁進者。盜魁也。君至。諭之曰。吾知若名素矣。五雲汝爲練總。進汝爲保長。邑有盜。汝緝不用命。卽變汝盜。自是絕跡。有馮化者。向逃人。誣其鄰某。君密令鄰匿。他所別令一人。踞堂下。召逃者。謂曰。汝

識某可執以出逃。實不識也。見一人踞堂下。執之。眾皆譁。逃技窮。乃曰。馮化給我。眾中有欲遁者。君曰。必化也。追之。果然。重杖遣之。安某客於外。繼妻高氏與前妻之女在室。高通於劉某。忌女圖并亂之。女不從。共戕女以滅口。君曰。高母道已絕。應照故殺妻前夫之子律論斬。庶足戒爲繼母而淫兒者。巡撫臬其議具題。報可。著爲例。東明距睢州百八十里。君奉諱歸縣。人赴。雖弔奠白衣冠數千人。城巷填塞。觀者嘆異。獲鹿爲山。陝衝衛。君治驛有法。民不知有供億。苦時有陝西寡婦兵還京。願驛驛井。極令異。懷。巡撫檄君併料理。兵戢不譁。歲歉出穀以活飢人。值編審戶口。鱗次。面訊里長。不得上下。爲姦利。在戶部時。吏弊不

得行尙書陳公廷敬倚任之特薦其才其爲糧道也所屬舊有倉規銀鉅萬並虐取之民監司利其入百姓疾苦弗問歲遣一役馳一檄塞巡漕故事而已君至皆謝絕轉漕時扁舟巡察禦其濫收者宜興僻處萬山中一夕忽至百姓訝曰吾民不見糧道四十年矣今乃飛至耶因號曰飛糧道道庫歲收銀八十五萬兩爲修船及弁丁運費前運丁預支行糧例扣月息丁益困君悉除之丁立碑頌德仲雍墓在虞山久不修城隍廟瀆祀者衆演劇享神歲糜金錢數萬君曰教化監司責也乃葺墓而封閉廟門其遷按察使也十五衛四十九幫官丁咸請畱不遂去之日泣且拜以送與其鄉先正湯文正公撫蘇內召時略同晉

門外有坊曰民不能忘爲湯公建也。民鑄公姓氏於其次。蓋公少學於湯公公深契之。其政事有本末非偶然者。爲按察時宿州某生攜妻子投徙某氏家。其妻驟產。妻兄之女來。眎數日。妻子皆中毒死。館人曰。若與妻兄有繫乎。曰。有之。曰。是矣。必令其女致毒也。生控於州。女不勝刑。遂誣服獄。具君疑之間。館中來往者何人。女曰。止。十二歲某徒耳。召而曲誘之。曰。師扶我。急因致砒。餉中生之。妻兄乃得釋。無錫民某與攻皮之匠。毆已而匠死。有僧故與某仇。訟爲傷重致死。令據僧言擬抵君。察圖毆。月日在保。率限外。因詰曰。傷久何得不醫。具言醫安檢所用方。則匠死傷寒耳。僧乃伏罪。所平反多類此。癸未。

聖祖南巡君力疾迎覲

上願巡撫宋公筆云朕聞王爺督糧儲時甚好隨遣太醫臨視賜藥一器次日賜御詩一幅溫旨再下教以調攝甚備君叩謝感泣謂臣受國恩今疾無以圖報塞

上因書世恩堂額賜之尋告歸家居十有八年集州士爲文課延處士田先生蘭芳主之士風日盛又設祭田百五十畝以資餘助昏葬及娶艱者卒年六十有八子澄思舉人澄慧癸未進士官郎中

劉張子方伯事略 陳玉璽

劉君晉榮字張子山東諸城人父必顯官戶部員外郎乞歸遂
不出君年十一補諸生康熙二十四年登進士三十四年出知
長沙縣居官廉惠見義奮發尤善應變時城中謠傳將裁兵撫
標千餘人皆震恐環轅門而噪君謁巡撫出爲好語解之卽令
齊赴縣倉預給三月糧示必無裁意眾乃帖然居三年遷知甯
羌州是歲關中大饑君至餓孺滿野而州倉無見糧卽入府謁
監司丁珩請假廳倉粟以活州民許之府州相距三百里募州
民能運斗粟者予之三升不十日而三千粟盡入州倉悉以賑
明年春復詣府監司謂曰吾欲依君法以賑一府而洋縣地廣

人眾今年老思以累君君曰方春民困已急必欲見委者請假以重權乃可監司卽授以檄役數十人從君卽持檄發粟從小運令役持檄分調數縣丞簿而已單騎至洋先徧歷郊野驗戶口多寡已入城語洋令曰吾發官粟至此必春貸秋還倘秋不熟我兩人可代任之繼以此破家所獲多矣令曰諾遂分遣丞簿按戶發粟數日而畢將去閩縣老樸持香擁馬首塞路越三日乃得行及秋洋民曰劉爺活我我忍負劉爺乎爭赴廳倉納粟贏故額百石甯羌民禽多通稅遂聽民便蜜粟筍歲悉充稅而自賣家中田代之輸下車之日居民僅七家期年而輻輳矣一日出郭見山多柵樹宜蠶乃募里中善蠶者載繭種數萬至

教民蠶繭成復徵之緘州人利之名曰劉公綱其後桂林陳文恭爲陝撫請下其法於他州縣由是陝人之蠶者益眾立義學購買人載書賣之親爲正句讀釋其大義甯羌士始有得第者四十年遷甯夏中路同知未行丁母憂負債不能歸致書其弟令亟賣所遺田弟曰兄田已去大半所餘瘠土直幾何吾不忍袖手視乃益以己田擇其腴者易金致兄所甯羌人聞之爭輸金爲助君示以家書曰吾田已去矣無及也乃止居三年服闋召見授平陽知府四十八年九卿奉詔舉才守具足者知府中舉君及陳公鵬年以對卽擢君天津道副使累遷四川布政使每治事暇喜讀宋儒書曰吾晚讀此等書轉益有味五十七

年有疾。語諸子曰：吾夜誦屯之三爻，易象告我矣。爲我具奏，乞休，勿誤國事。居數日，移榻中堂，就寢而逝。年六十二。子統勳，孫塽，官皆至大學士。語在名臣傳。

又陳君玉璧，山東歷城人。進士。乾隆三年任遵義知府。郡故多榭樹，以不中屋材，第供薪爨。君出巡，見之曰：吾得以利吾民矣。乃遣人歸歷城，取山蠶繭種，且以蠶師來行，抵沅湘，繭出不克就。六年復遣人往取，期歲前到，繭得不出。明年治繭於郡，治側西小邱，大獲。乃遣蠶師分教四鄉，授以種，且給工作費。民爭趨，若取異寶。至八年秋，民間所獲繭至八百萬。自是郡善養蠶而遵綸之名，遂與吳綾蜀錦爭價。乾隆十三年，正安州吏目徐君

隋平亦自浙江購爾種來教民蠶至今皆食其利云

陶子師刺史事略

陶君元滴字子師江南常熟人爲諸生能文章有經世志性伉
慨喜立事以名節自厲康熙二十三年舉順天試二十七年會
試主者定第一策陳會推之弊語侵執政稍抑之及殿試論西
北賦輕而役重東南役均而賦重願減浮額之糧罷無益之費
閱者怪其言釐置二甲部選瓊州昌化令三十三年到官定賦
役均糧以畝均役以糧罷徭差革雜征自坊里供帳始度隙地
勸立墟市大招流亡勸開墾予以牛穀不起征縣政與黎爲界
舊設土舍制其出入官吏因緣爲姦以規物產至是撤去揭榜
山崗有冤者得詣縣陳訴一權量定法度黎民樂業時步行村

落閉問民疾苦。煦嫗如家人。縣故有田四百餘頃。沒水且百年。君具陳始末。請免賦。上官難之。君因撰昌化浮糧考。上之後。布政使魯君許爲上請。而君遽卒。不果行。茲昌化之明年。攝知崖州。游擊余虎。縱屬爲暴。守備黃鎮中。用非刑殺人。索黎人獻納。無厭。君至。得詠詞百。遂列六款。上。余虎以百金餽。卻之。因造蜚語。聞於總督。下瓊州總兵。平之。君申贖。曰。私揭。不應發。審鎮臣。不應侵官。卒不往。方鞠鎮中獄。鎮中令甲上百人。帶刀突入。左右駭。遽欲走。君怒。叱曰。守備反耶。吾奉命治事。而敢令甲士劫持。是無上官也。無上官。是無天子也。非反而何。鎮中氣懾。疾揮去。獄成。鎮中得罪。崖人爲語曰。雖有余虎。不敵陶公一怒。而

總督滋不悅。坐君檢驗失實。援赦免。尋以大計當黜。會巡撫蕭公永藻新受事。惜其去。爲言於總督。畱之。每以事至。府總兵輒戒其下曰。陶昌化至矣。無生事。在官日市韭一束。饗殮常不繼。喜接諸生講論。率至三鼓。尋以禱雨病寒。世寢劇。三十七年九月卒。年五十三。喪歸渡海。遇瓊士赴省試者百人。護柩行。莫敢先過。陽春有悍卒爭渡。諸生並譁曰。此吾師也。誰敢先者。卒懼而竄。

國朝先正事略卷之五十一 循良

平江李元度次青墓

莊復齋副使事略

復齋莊君爲安溪李文貞公門下士。舉康熙二十七年進士。授山東濰縣令。母就養。卒於塗。歸而廬墓三年。自是不忍一日離其父。父既卒。隱居。教授。若將終焉。乾隆元年。楊文定公以大宗伯掌成均。薦授國子助教。相國西林鄂公海甯陳公嘗問士於方望溪。望溪首言君。次某某。非禮先焉。不可得而見也。海甯徧往拜。西林使人達意。至再三。君曰。吾往見。是慕勢也。相國何取焉。將命者以告。西林瞿然曰。吾非安坐而相招也。願吾非公事。

未嘗出內城。恐時人以爲疑。吾平生惡市交。莊君以老諸生視我。則不妨顧我矣。君始入見。志相得然。卒未嘗再往。君自助教遷皮部主事。每執橐與長官爭是非。或齟齬。偏偏直陳。無懼色。其舉進士。出余府丞。旬謝御史濟世門。二君夙以抗直著。君能繼其武。權貴多陰憚之。六年有薦君學行宜居路者。引見上。意甚相屬。越日命赴湖廣。以同知用。補德安同知。逾月擢知徐州府。蘇松道汪某以危法中沛令某。督撫具白簡矣。命君補濞。公濞稱沛令不侮。寡不畏。彊禦汪聞。悛而止。果教公納親。延江南勢烜赫。監司皆轉袴。跪迎。召獨長揖。訥責問曰。非敢借此勝於公。柰會典所無。何訥。默然。徐仍歲水災。召至相川。許。

○啓者民○言○廣○開○上○游○水○道○以○洩○異○漲○且○告○石○林○可○危○狀○未○及○措
○注○山○石○林○決○沛○縣○城○將○隕○民○逃○竄○君○立○起○駕○輕○舸○行○告○父○老○太
○守○來○與○爾○民○同○難○爾○民○將○安○往○親○率○眾○堵○築○七○日○夜○城○完○在○徐
○三○年○兩○遇○大○荒○勤○賑○寧○寢○食○皆○廢○九○年○遷○淮○海○道○副○使○嘗○巡○所
○屬○邑○僕○隸○數○人○從○皆○自○飲○其○馬○邑○令○犒○之○則○跪○辭○曰○公○視○奴○輩
○如○兒○子○不○告○而○受○不○安○告○必○命○辭○是○仍○虛○君○惠○也○強○之○皆○指○心
○誓○先○是○大○府○巡○屬○矜○嚴○若○神○及○去○庫○爲○之○虧○公○至○平○易○近○人○無
○用○尖○耗○淮○海○承○屢○被○後○湖○徹○不○異○於○徐○公○嘗○曰○吾○聞○古○循○吏○精
○誠○能○反○風○滅○火○每○對○遺○民○中○心○愧○畏○夢○寐○中○猶○擗○辟○呼○嗟○也○海
○州○有○鹽○河○蓄○水○通○海○運○雖○異○漲○非○徧○告○大○府○監○司○不○敢○開○洩○及

得請則田禾已不可救矣。君陳於制府。定議遇水漲。守土吏先
開洩。而後報聞。十年冬。巡視災賑。臘盡始回。徐十一年正月卒。
年六十有一。君諱亨陽。字復齋。福建靖南人。學行爲賢大夫所
重。奉安趙公國麟撫閩。請主慈峰書院。以持艾喪辭。家居來學
者歲以百計。在太學。六堂之士多宗之。九年京察。詔大僚各
舉一人自代。李閣學清植舉君。公論大服其辜也。士民罔不痛
惜。著有秋水堂集。河防算法書。妻戴氏。事舅姑以孝聞。

陳莘學少卿事略

陳君汝咸字莘學浙江鄞人父錫嘏以通經有名於時官編修君幼從父學康熙三十年會試第一成進士選庶吉士散館改知漳浦縣縣中賦役故賣戶長爲主辦黠者緣爲姦利君定三百畝爲一戶令民計產爲清供自立徵戶糧多者爲戶長以次輪催由是吏無迫呼民無逋稅均保甲以三百家爲一保第其口多寡籍以供役五年一編丁而役法平民有被訟者尙紙爲禁立期限令訟者自召之一訊卽決閩俗信鬼而賤醫病者占藥服之往往致死君爲分別病證示以經驗方調請藥以興病者全活甚衆月以初三十八日莘諸生於明倫堂講五經情理

綱目諸書試以古今文詩賦擇其賢者才者爲義學師以教於鄉里。屏天主及無爲諸異教。改其堂爲育嬰堂。斥城東遙祀鞭其像而毀之。漳浦瀕海多盜。君設方略禽獲甚衆。上官以南靖盜未靖。移君治之。縣民列狀請開。不得數百人者。環而守。乃夜以兩騎疾走出門。縣民覺。追送十里許。號泣而歸。歸則搆桐城北門。名曰月湖書院。歲時祀之。治南靖一年。擢刑部主事。習御史論海防事宜。多見采納。五十一年。海賊陳尙義遣黨赴兵部請就撫。君素知尙義爲賊魁。請身入海撫之。廷議御史近臣不宜輕入海。乃令郎中雅奇率君所薦阮生蔡生同往。遂降尙義。及其黨百餘人。海患以平。以左都御史趙恭教薦。擢通政司參

議累遷鴻臚少卿奉詔賑饑甘肅路見餓殍遂不御酒肉散私錢數十千給飢民疾馳至平涼發倉以賑積勞卒年五十有七。

佟信侯刺史事略

佟君國瓏字信侯遼東人以祖從龍入關隸漢軍爲世族康熙三十年君由筆帖式授山東文登知縣文俗故愚悍或勸君尙嚴峻君曰爲政在誠心愛民興利除害化導之而已嚴峻非已之福也副將某暱一妓日遣營兵爲役又剋蝕軍餉合營衷甲大譟夜半斬關出屯東郭君聞變披衣出家人止之不聽吏役皆股栗莫敢從君乃單騎陟山巔厲聲曰吾與軍民同疾苦有冤當訴我何妄動至此眾猶洶洶君當礮立曰吾不忍見爾曹族誅請先試若礮衆色動曰公廉明軍何敢犯然事已至此柰何君力任保介再三巖其故得實狀疾遣吏縛妓至扶於旗鼓

之閒眾泣拜而散。副將尋被劾去。輿論快之。癸未大饑，奸民所
在騷動，將不測。公率數十人徧詣村墟曉諭，捕獒凶渠旋給賑。
民賴以安。事竣得首列薦章云：邑豪宋某兄弟三鄰婦貨其錢，
不能償息，宗殺之。君廉得其實，而吏役得豪金，皆巧爲掩覆。尋
倩人持千金賂君，君大怒，笞其人，立覆驗，得重傷，然無確證。忽
有小婢倚門，君鞠之得實狀，遂真二人於法。一邑肅然。邑故濱
海，閩商泊舟島嶼，聞副將林某縛數十人指爲寇，君訊之皆釋。
乃更捕真盜四十餘人殺之。海疆救謐而商舶繼至者皆德君
丁亥。

聖祖南巡君二次扈從受

優資辛卯擢澤州州州屬歲侵大

發常平倉穀借民秋成。勉期輸還。無爽者。又爲減耗羨革陋規。省徭役。平物價。民情大悅。時太原守挾威勢能傾軋人。君獨與之抗。太守乃陰嗾某驛丞誣揭君坐罷任。州民譁然鳴鐘鼓罷市。欲請闕。留時康熙五十二年六月事也。既而得旨。留原任。州民歡躍會平陽民變。略如君宰文登時。撫軍撤君往撫。許以兵從。君曰。兵行是速亂也。請單騎往。既至。民皆額手曰。公至吾屬無慮矣。乃入城撫諭。安堵如故。州城北捐俸千金爲倡。集隸屬紳民議修築。凡兩年丁竣。民感其德。立生祠。君禁之。不能止也。君去六七十年。春秋俎豆弗衰。庚子引疾去。州民攀號聲震郊野。亡何以善屬。高平令彪帝被逮。責償萬餘金。君故廉負。

無所出。先是君在州辦軍需數年。未嘗尺寸擾民。民感次骨。至是憤泣。公捐五千金。投州庫。君復竭蹶斥舊產。越五年始得完。頃歸。自是布衣蔬食。終其身。恬如也。乾隆三年卒。子四人。皆爲顯官。

夏存齋明府事略

夏君熙澤字爲霖。號存齋。江西新建人。父鞠莊。以進士任州部主事。曾講學於易堂。柱山之閒。及時君方七歲。家貧。體弱。不繼。母督之學。或乏膏油。則危坐默誦。年十七。奉母命。遊學京師。從韓慕廬孫莪山諸先生遊。見聞益廣。時高文良公自庶常。舅氏周翁託爲擇婿。晤先生喜。而訂交。告舅氏。以女字焉。康熙三十九年。成進士。同考官。靜庵賈公。更進以身心之學。兼博覽史書。求實用。謁選得廣東增城縣。時邑大水。田疇成巨浸。既受事。報水災。開倉發粟。按行村落。放米數千石。更勸富民捐貸。民以不困。秋大熟。民相率輸倉。至冬。缺二百餘石。吏請追比。君弗忍。代

運之聽訟之暇。振興學校。購書籍。聘名師。聚邑人子弟教之。邑
 介海區。有靈山。複嶺層嶂。僻徑逶迤。潛通七邑。為諸盜逋逃藪。
 鄰封追捕急。咸殫聚剽掠。禽人民。索金帛粟米。出偽牒邀贖。君
 與同城武弁計曰。俟報上官。往返經旬。口賊糧足。守險益難奪。
 出不意攻之。兵法也。我傾敢死士。先君繼之。合隊夾攻。賊穴可
 速破。武弁唯唯。君戎服佩刀。糾眾夜發。武弁透趣山口。乃分鄉
 兵為二隊。直搗其巢。賊聞鼓礮聲。不辨眾寡。奔散過半。追殺十
 餘賊。生擒其魁。男女擄者悉解縛。奪歸。當是時。武弁恐形其短。
 不以白上官。上官亦諱言用兵。功却不敘。君素以清介自持。凡
 上官胥吏婪素。絕不一應。百計中傷之。旋以監弊盜犯過多。被

劫罷時。斃者十二人。泉獄四。府獄三。皆歸獄於縣。增城老幼咸嘆息。泣下。歸葺老屋。居寡嫂。及二兄。餽數椽。自居淡飯黃齏。讀書不輟。閒出遊。蕭然獨往。歷名山川。訪異人。騎土至老不倦。年七十餘。終於家。

沈觀如明府事略

沈君光榮字觀如漢軍正白旗人以歲貢試授筆帖式康熙四十年出知河南河內縣專務德化日朔望集城中居民宣講上諭翼日單騎應郊野召鄉民徧告之往復懇到聞者莫不感動敵科不用敲朴設盃酒花帛召諸里老令述課者跪堂前斟酒進他里長之畢輸者飲之為簪花被帛鼓吹導出中門由是雅者畢至有李家窪者地斥鹵多逋君為引溝渠開稻田招流民復業給以牛穀種改名藏富村遂成沃土民有訟令兩造要而來立詞決遣胥攝事按日給錢絲粟不得擾民時出俸錢行諸利益事夏設茶衢路冬施棉衣病者藥之死而裸露者棺之

三年去任士民懷其德視名宦祠。

陸彭度觀察事略

陸君諱師字麟度浙江歸安人少負文名究心先儒書講求實用康熙四十年進士授河南新安知縣下車修學校集諸生說經談藝童子能應縣官試者免其徭民興於學鹽使者下縣取鹽犯四十人君曰律以人贖並獲爲直法今勸犯止二人何濫爲縣境響馬賊季國王者爲患久君廉得斃之杖下築菜根亭後圃拔其蔬以遺僚屬曰不可不知此味也父憂歸旣成行忽前塗塵起六七騎挾弓刀驅牛車載婦女三十餘人稱某將軍家自歸德買來饑民君叱止之令官運婦女於其家自將軍收其駒卒或謂君已解職胡開罪將軍爲君曰吾一日未出境能

以饑民婦女。媚將軍。耶服除補江蘇儀徵縣。縣疲。又准鹽所。匪奸民。虞其中。君一反前政。每日晨起。判爭訟。有神。明稱盜。自引民某爲黨。君突至某家。見敗器物滿道。言有凶人食此。不償。直因而鬪。毆公詰其人。狀與盜肖。事遂白。春徵先勸富戶輸。既徵。卽以解秋。則減其耗。令自封投糧。城內外數火。或言有祟。公移牒城隍神。欲毀廟示罰。火遂熄。每不雨。步禱。輒應。疫起。出俸錢。購醫藥。施民。故事。上官往來驛。大臨時。取給鋪戶。倉卒滋擾。君一切革去。但令鋪戶日賦一錢。歸驛不勞。而事辦。有史以私事。銜知府。命來索船。君曰。知府至。吾當腰笏引舟。若吏也。胡爲者。并其名。紙抵之地。揚州五屬。饋督撫。下知府。各以五千金。羅

設借賑符既下具舟車往則虛而歸君知知府意欲縣官藉補所虧帑也親往力爭卒得請於是五縣皆買穀以賑始至卻鹽商例餽商固請君曰然則吾以給公用耳乃立印簿登其入修學宮作明倫堂具鐘鼓餘樂舞祭器濬泮池植之桃李又以其餘建倉厰潔治罔園爲別屋以居女犯縣故有文信國公祠新其宇質庫相沿書票有月無日勿論久近必取一月息君辭其歲餽令視他處月讓五日旌吳節婦門修孝婦祠以敦女教縣稅領之稅大使惟豬稅隸於豎歲贏千金君除之渡江船人多載重常易溺君爲定其程度以時察之凡所釐剔彰摩視新安之治尤詳課最奉行取節儉至民男女空一縣奔號上官請

齒弗得則闔城門塞牙者不聽去既去乃寫像尸視之比入對
聖祖溫諭有加試制舉文一首取第一授驗封司主事遷員外
郎掌選有要人求官君力持不可尋奉命督視山東礦務條
上開採無益疏罷其役遷擢御史又命巡河讞獄均稱旨
未幾河督陳恪勤公奏請以君爲充沂曹道有旨趣之行已
得疾不起康熙六十一年三月也年五十六君性孝友以儒者
自命好讀書再充鄉會試同考官皆得士居儀徵築江寒草堂
延邑士及過客之有文者居京師與方望溪苞儲中子在文何
義門焯友善尤契張清恪公清恪過訪必手自叩門君能辨其
聲云兄弟子皆少孤撫之如所生養同年生遺孤字以弟女卒

成其名著樂雲書屋采碧山堂玉屏山樵諸集祀兗州新安儀
徵名宦祠

張天申明府事略

張君士琦字天申江南嘉定人早歲舉於鄉以文學知名大學士徐公元文引入史館與修明史康熙四十一年選江西永新知縣前令故貪縱征歛橫出君至革除溢征銀三千餘兩米二千餘石捕逐豪右懲諸姦胥遇平民輒與溫語不輕筆一人月置酒召諸生攻論德藝士民翕然居三年大饑君發倉以賑不足出私錢佐之縣西磐山有三邨者俗驍悍屢險阻爲盜前令時糾眾數百劫掠至縣城令備以酒食散遣之而已君至爲設練長嚴約束至是復聚眾彊糴官粟格鬪有傷者君禽其渠餘黨逸去遂列狀白大吏請設兵西鄙爲鎮歷計或言長官諱盜

久矣。今遽以盜聞。如吏議何。曰。拚一官。絕吾民後患。吾甘之矣。已而部議下。君果以註誤去。縣民聞其將去。樹大旗。城中央及四門。以集眾。集者數千人。負土塞縣衙城門。不啟。罷市者半月。相率詣南昌。請大吏乞畱君。不省。會

聖祖南巡。復集眾詣蘇州。具章欲上。不得達。竟罷職。新令至。以君前發倉粟。貧民未盡償。不聽去。民聞設櫃。釀金輸者畢集。遂盡償之。比歸。錢送者塞衢巷。或追至百里不絕。五十八年。復游京師。得疾卒。年五十六。

陳衍山方伯事略

陳君德榮字廷彥號密山直隸安州人祖澎字半千順治庚子舉人從孫徵君講學河漳義俠著州部當明末盜起流離相屬於道收養難婦數十人事定送歸又遍收塗間棄兒哺之全活者眾大名史某以事繫於官拯之出一日攜女爲謝正色辭之

父鶴齡字鳴九康熙甲子舉人爲學宗陽明及鹿忠節而加以實踐父卒故舊巧奪其產弗與爭高陽李相國壽常延至京師

一日念母卽謝歸官正定教諭從學者數百人君少負文名與博野尹元孚爲檢身制事之學逾冠登康熙五十一年進士出趙恭毅徐文定門皆器君榜下充武英殿纂修時陳恪勤掌殿

中修書事。嘗語方公望溪後進中有爲有守者。以君稱首。初授湖北枝江令。鄰省大府卽思得君守巖州刺郡。旣典郡卽思得君爲監司。故論薦者如爭。其以黔西州服闋引見。

世宗卽命赴貴陽以牧守用。其守大定以江西巡撫薦。遂命補道府。昔前此所罕見也。君服官二十餘年。勳績尤著於滇黔。其爲政急民之病。如其私而務以瘼其衣食爲本。在枝江修百里洲堤。除解餉入川雜派。攝饒九道。剔潯陽大孤兩關銅弊。辨誣獄。出無辜者七人。未數月。經略張廣泗以貴州按察使保奏。方是時羣苗交煽。軍旅四出古州。姑盧朱洪文叛案。非君莫能定也。逾年攝布政使。黔地多山阻。少穀。兵餉半移調於鄰省。民尤

資。疇。君。奏。精。工。本。築。壩。堰。引。山。泉。以。治。水。田。貴。筑。貴。陽。開。州。威。甯。餘。慶。施。乘。閒。不。數。年。報。墾。升。科。者。三。萬。六。千。餘。畝。遂。課。種。桑。募。蠶。師。牧。民。蠶。出。署。內。所。登。繭。於。大。興。寺。織。絲。織。作。使。民。蠶。其。利。開。野。蠶。山。場。百。餘。所。比。戶。機。杼。聲。相。聞。又。以。其。閒。大。修。城。郭。墾。廟。學。舍。廣。置。栖。流。所。以。收。行。旅。之。病。者。益。囚。食。方。冬。寒。恤。老。疾。養。孤。之。無。依。者。躬。課。諸。生。開。以。立。志。爲。己。之。學。立。義。學。二十。四。所。於。苗。置。其。始。至。貴。陽。也。署。威。甯。府。事。踰。年。威。甯。改。州。大。定。改。府。會。烏。蒙。土。司。謀。叛。東。川。鎮。雄。附。之。威。甯。爲。夷。裸。出。入。要。箱。地。仍。令。馳。赴。威。甯。督。州。牧。完。守。君。至。見。城。西。障。頽。舉。步。可。踰。乃。聚。民。閒。米。桶。資。土。石。層。累。丈。餘。然。後。比。次。發。築。壩。堞。屹。然。羣。夷。

縱火牛光燭天。君言笑自如。日夜爲戰守計。賊不敢偪。會總兵
哈元生兵至。賊敗遁。鄂文端總制滇黔。君其所舉任也。常以此
自誦。其知人。方威甯危急時。公慮賊兵趨大理。屬州牧陳嘉會
分守大理。執其手曰。吾死此分也。但遺老母憂。齋志重泉矣。及
君陳臬於黔。苗匪初定。當事遂興屯以蹙扼之。將吏多以刻急
見能。謂此異類。劔絕不足惜。丁巳正月。望省城大火。君入見。張
經略曰。天意如此。宜修省。羣苗亦人類也。毋恣戮。經略大爲感
動。申戒承事者。未幾。遷江南布政使。徐鳳水災。流民爭趨金陵。
君竭俸賜。編棚蓋席。以栖災黎。重建陽明書院。以實學開羣士。
具卒也。官吏士民皆兩泣。生平孝友任恤。仁於故舊。僚友懿行。

不可備書弟忠華癸正甲辰一甲一名進士授修撰于策乾隆
丙辰進士筠筌皆舉人

周子振太守事略

周君諱中鉉字子振浙江山陰人康熙中起家崇明縣丞累陞大合宜典上海諸縣事有惠政後九年遷知華亭縣民有被誣殺人久繫獄君立出之而坐其實殺人者提標兵庇盜前令莫敢問君捕治伏法威愛信一時後三年秋淫海水大上漂數縣君具衣糗材槥救卹之又爲請賑弛租全活甚眾明年以催科不及格罷縣民無萬數遮言上官聞於朝得復職時高安朱公以總憲泄修海塘知君賢一以事付之塘成丁內艱民復額畱而

憲皇帝先已擢君松江知府及是予假治喪還視府事明年朝

議浴淞婁諸水。以君攝太倉州。董其役。方築壩淞江。一再潰。與
千總陸君晝夜。凌險指麾。倉卒覆其舟。既亡而築合。是爲雍正
六年二月二十九日。君年四十有九。賜祭葬。贈太僕少卿。
當君令華亭時。奉賢猶隸境內。其後析爲縣。君適爲知府。至是
民懷其澤。奉君爲奉賢縣城隍之神。歲時祈報。著靈異。長洲王
芑孫爲廟碑紀其事。

平江李元序次青纂

施鈴瞻明府事略

施君昭庭字筠澹一字寄篁江蘇吳縣人康熙五十四年進士知江西萬載縣萬載地險僻山嶺緜亘有客民自閩粵來居之累數十年積三萬餘人曰棚民溫尚貴者臺灣逸盜也其黨亦散處山中爲拳勇師與棚民往來雍正元年閩中移捕盜黨急尙貴度不免謀爲變始君之至也以棚民爲慮縣人易廉野富而才君厚禮之使交於棚民而偵其所爲於是廉野大積粟貸棚民還不取息或免償如是者數年棚民大悅棚民之材者嚴

林生等數從廉野遊。由是盡得山中要領。尙貴將舉事。召徭民。林生遽告廉野。聞於君。君集勇敢三百人。卽以林生統之。爲要約。以待而糊民。多受廉野。恩不忍往。然往者猶數百人。尙貴有眾二千。大掠山村。閉時三月十三日也。君謂林生日。賊易破也。然吾慮賊或據旁近縣。旁近縣無備。必使向萬載破之。必矣。會得賊謀。囚人厚撫之。使告尙貴曰。萬載人盡逃。城虛可唾手得也。賊遂決意向萬載。則又張疑兵。伏諸境中。時鳴鼓譟。樹大旗。見旂或連繫數十馬。相踉蹌。或熟草若炊烟。賊欲由徑攻我。後疑不敢入。遂由官道來。而糊民多受林生計。使應捷者數十人。分曹持刃挺伏叢棘中。賊過突躍出大呼。擊賊。賊驚走。珣追。

殺之伏。數發賊疑駭欲卻則又懼。棚民之躡其後也。於是濡被
爲盾以進。君望見笑曰彼已懾矣。則使火鎗二十餘迭擊之一
戰獲尙貴尙貴起二日而敗。又二日而撫營兵至。初棚民嘗入
市欺市人人積畏之尙貴叛道路洶洶指棚民君謂林生曰撫
營兵至必按山吾負棚民柰何則又曰吾以免死帖與諸降者
汝及今趣棚民具不從賊結狀來其免乎兵至果按山如君計
不戮一人而巡撫初到官聞警張其事入奏既見君申文不合
使請於總督查弼稱欲改追之君曰吾不忍迫棚民使叛而殺
之以爲功也不可改。巡撫乃檄君謂棚民毘盜已久又從亂罪
皆死今雖赦之必驅歸本籍君乃使人徧諭棚民無恐而請於

督撫曰。棚民者閩粵之貧人耳。來居山中種麻自給。惟其貧苦。以席爲屋。故曰棚民。非刀手老瓜。賊之比也。歷年多生齒。日眾。與居民閒有爭訐。皆細故。不足深懲。今日之亂由豪猾。遂盜不關棚民。而探賊動止。離賊黨。羽誘賊就縛。悉賴棚民力。請嚴戶口編保甲。列齊民氓。其主客之形。寬其衣食之路。長治久安。爲計便查。公許之。巡撫尋亦悟。悉如君策。棚民乃安事聞。

世宗臨朝諭九卿曰。知縣以數年心力辦賊。巡撫到官。幾日。豈得有其功耶。獨下總督疏。交部議敘。以主事知州用。君尋引疾歸。後十餘年卒於家。

葉維一太守事略

葉君新，字維一，浙江金華人。少補府學生，已復冒順天籍入學。康熙五十一年，舉順天鄉試，聞蠡吾李剛主傳顏習齋之學，往受業焉。立日譜，稽核功過，尤嚴義利之辨。雍正五年，以知縣試用四川。既至，權華陽，尋補仁壽。民或與鄰縣爭地界，當會勘，鄉保因闢人以賄請君，怒，悉下之獄，勘畢歸，各按其罪。由是吏民悉斂手奉法。入年，攝嘉定州。州故有沒水田，多逋稅，君視曠土可耕者，召民墾闢，以新科抵稅額，逋稅悉免。仁壽奉中旨采木，匠人倚官爲暴，民弗堪，糾眾相抗。縣令以變告君，馳至，訊匠頭及首先糾眾者一人，並治之餘，數百人釋，不問上官才之有

疑獄輒令往勘多所平反十二年遷知邛州乾隆元年再遷夔州同知權龍安及成都知府又攝瀘州瀘俗好訟初至案牘委積君日坐堂皇訟者至立剖決誣罔者悉杖之旬餘獄事大減及百日遂無留獄七年權順慶知府遷雅州母憂歸服除授江西建昌府以簡靜爲治先教化而後刑罰修盱江書院招引文學之士復南城黃孝子祠以厲民俗十三年南豐令報縣民饒令德謀反請窮治令德好拳勇令以風聞遣役往偵誤探其讎謂謀反有據遂逮令德令德適他往乃逮其弟繫縣獄令德歸自詣縣縣訊以重刑遂誣服雜引親故及鄰里爲同謀令德移檄追捕君得報集諸囚親鞠時株連者已七十餘人言人人殊

君大疑請縣役捕令德弟狀役言初至令德家獲一篋疑有金
實匿之及發視無所有則棄之野令聞意篋有反迹訊以刑遂
妄稱發篋得簿割毀之矣令謂實然遂逼令德俾誣服也君於
是盡釋七十餘人錄具命隨往南昌戒之日有一逋者吾代汝
死矣及至七十餘人則皆在謁巡撫具道所以巡撫愕不信於
是集才能吏令會勘益雜治諸所牽引卒無據然不可卒解先
是巡撫得報時據上奏奏下 命兩江總督委官卽讞君爲一
一剖解得白所全活三百許人十七年調贛州府贛縣民搶奪
拒捕君依故例擬發邊遠充軍時新例已改本條爲斬決院司
欲以改例擬君謂事在例前宜從故例爭之不得復以甯都民

獄事與同官持異詞。不得直。遂謝事閉門候代。上官慰諭再三。不從。乃以任性被議免歸。家居十餘年卒。

葉映庭觀察事略

葉君士寬字映庭江蘇長洲人博學工詩文旁及象緯輿圖句
股六書之學尤通達政體康熙五十九年舉人知山西定襄縣
八年遷沁州知州其爲政善知民隱滌煩苛遇事不假手胥吏
事辦而民不擾權潞安知府除諸稅之無名者復四門集以便
商人民大懷畏厯權平陽太原治行爲山西最十二年大計以
薦入朝

上賜蟒服擢紹興知府乾隆二年移知金華晉杭嘉湖道調金
衢嚴及甯紹台道始終不出兩浙云其治紹興也有情民格士
而殺之眾士諱將罷試君在三江聞信飛騎至數言剖解試

如初。浙西風潮大作。海塘陷。君往堵築。三月而工完。在金華時。東陽縣饑。求賑者呼號集城門。以萬計。君曰。按冊施賑。是賑冊。非賑民也。單騎往諭之。召飢者前。立注其名於冊。而撻其二人。民乃定。二人者一婦人。先以訟至官。服華服。至是易敝衣求賑。君識之。褫其敝衣。內華服如故。一男子。容甚澤。飲以阜菟湯。噀出酒肉。眾驚服。賑者多散去。泄金華三年多惠政。既去。郡人思之。爲立生祠。歲遇君生日。輒張燈台樂以祀君。其前在沁州亦然。有武人自沁來。過君。祠適遇君生日。祭獻者。至擁馬首。不得行。時君去沁七數年矣。其爲杭嘉湖道也。嚴保甲。守望之令。盜賊屏息。及移金衢嚴。衢州地勢高。西安龍游諸縣築壩蓄水。

以溉田。商人入山伐木，私開壩行水，日涸。乃嚴其禁，民稱便。初，君蒞嘉湖時，桐鄉豪家訐訟，有以金饋者。君急置之法，獄未具，卽調金衢。繼事者果以賂敗，事連巡撫，坐死。總督德公委君推鞠。君言：「巡撫實未受賂，覆治之。」得金數千於用事者之家。巡撫獲減罪。八年，移甯紹台道。釐關政修，戰艦視巡外洋，雖險遠必至。紹興水蕭山諸暨民多挾眾詣縣求食。巡撫聞而惡之，不欲賑。君往視，還白。巡撫曰：「某來時，災民飢欲死，何忍見其悉殍溝壑耶？」言訖痛哭。巡撫心動，聞於朝，遂得賑。君嘗言：「待飢而賑，所活幾何？本計其在修水利乎？」議復紹之鑑湖，甯之廣德湖，大興灌溉之利。會去官，乃止。著浙東水利書，冀後有行之者也。十

二年父憂歸。遂不出。君在浙。每加意書院。以作人爲己任。家世
屢集諸生。校試文藝。興起者眾。平居孝友之德。著聞鄉里。卒年
六十有七。

翁夢聖刺史事略

翁君運標字晉公號藜墅浙江餘姚人父濂廩貢生康熙壬申以妻兄鄔某官粵西恭城令赴其約夜泊祁陽之新塘失所在舟人大索不得報其家并返其行篋屬鎖未動失其鑰時君甫三歲兄運槐八歲招魂葬父又三年母亦卒君茹苦力學兄年十三時歷楚粵豫章尋父不得以病歸雍正元年君舉進士悲不得父骨誓往尋卜於漢壽亭侯廟有誰知意外得生還之句三卜而三兆焉乃與兄偕走湖南萬山中刺鱗血作疏禱於神更兩歲無所遇乃榜一舟曰餘姚翁某尋父溯湘衡永間及半載一日泊新塘遇土人鄭海還者言三十年前其弟海生失足

溺水格敗葦得不死。視葦閒有已溺屍身。佩小錦囊。因瘞之。白沙洲存錦囊爲識。乃遣急足證輸於家。以故篋牝牡牝合囊。故君姊昔年手製以奉父者也。始悟生還之識。實應鄭氏兄弟名。遂號泣啟。攢扶櫬歸。仍於前座處。畱封樹焉。時癸丑。丁未八月。也。人競稱翁氏兩孝子。云君初授桐柏知縣。多惠政。樹人爲建生祠。乾隆癸亥。知武陵縣。左道莫少康。盡里民將成大獄。君捕少康。寘之法。被誘者皆得釋。有兄弟爭田者。親勘之。坐田野中。忽自掩涕。訟者驚問曰。吾兄弟日相依及來。武陵吾兄已不及見矣。今見汝兄弟偶思吾兄。故悲耳。語未終。訟者亦感泣。以其田互讓。乃中分之。又有兄弟爭產者。其兄父養子也。父幼弟少。

分以瘠田使別居。兄不平，以狀白中。中有亡父嗜酒，得疾語。君怒其暴親過也，笞之。仍斥其弟，割腴田以畀兄。又有子竊人金，指爲父所匿者，拘其父。至反覆鞫詰，終不加以刑。或問之曰：「以子證父，脫有誣天性之恩，絕矣。」姑俟之。後廉得其實，果黑夜爲他人攫其竊金去。而其子誤以爲父也。唐氏子聘張氏女，貧不能娶。張鬻其女，唐知而訟之。君察張亦貧甚，鬻女金久耗矣，乃出貲贖其女。召唐氏子婚焉。邑有衡州人業織者，其鄉有重囚亡命來主其家，家人不知也。已大府檄下大索之，囚已先逸矣。君第令業織者導之往跡而得之，竟得不連坐。亦未受一笞。鄧康二姓爭湖洲之利，鬪殺不已。積訟數十年，君勘其地曉譬再三。

終不服會大雨至二姓請少避君曰汝輩爲一塊土世世罹重
法不顧予何愛此身爲植立雨中逾時堅不去二姓感動乃親
爲劃界訟自是息且相好邑東長樂村洽江互長堤每夏秋水
漲直齧堤址田廬皆沒巨浸中舊築石圍衛之水勢稍殺年久
圮將圯民深患之渡江而南有德山石塔明提學董公其昌所
議建也亦就圯形家言頗以爲病附郭向無書院君勤於課士
每就僧舍設講席輒用蠶願於是大集邑人士嚮咨興創不數
月而三大工次第告成人稱其堤曰翁公堤塔曰翁公塔書院
曰翁公書院焉歲乙丑大旱君閱郡志邑北有龍門洞去城百
二十里唐劉夔得禱雨處乃覓導者草笠芒屨炷香步拜躬畫

夜至其地洞邃而日狹。縱而下以瓶。挈水蹒跚歸。就北郊設壇。日躡烈日中。膝盡磨。邑人哭。嶺君歸。君泣不可。凡七日。大雨歲。則大熱。邑人繪龍門禱雨圖。爲詩歌紀其事。大吏知其賢。交章薦。權知道州。道州路通柵桂。山徑仄。峭壁時千仞。下臨深溪。行旅危之。君割俸。倡捐鑿險。入十餘里。成坦途。歲大疫。爲文告城。臣神自請。罰無傷百姓。並購方藥。躬行村落。問一一審視。或以傳藥爲慮。曰。我爲此邦。父母子弟。病忍不一顧耶。時永郡死亡甚多。州境獨得全活。年六十。以勞瘁卒。官州人立祠祀之。與武陵並。請祀名宦。君之令武陵也。卽白沙洲。建祠。父墓前。額曰永思。並建啟綸亭。買田數十畝。令鄭氏世董之。丁卯。遷道州。過祠。

展墓。哀感路人。視祁陽紳民如故舊。子孫注籍善化。多達者。嘉慶間。族孫元圻。任湖南布政使。葺其墓祠。

蔣省齋郡丞事略

蔣君名祝字賡三號省齋浙江仁和人。雍正元年進士。選庶吉士。出朱文端孫文定三公門。散館。授行人司行人。聞父疾乞養歸。文端公屬同修。歷代名臣傳。父服除。以知州發直隸用。署樂亭縣事。釐積案千餘。尋知晉州。擢永昌府同知。引疾歸。卒。年八十有三。君之在晉州也。典農桑。濬河渠。嚴保甲。事無不舉。州民白某習邪教。君曰。不治則滋蔓。蔓而圖之。難矣。遣數十人。縛以來。寘之獄。使人勸諭之。自悔。泣卒。爲良民。州俗悍。喜鬪。倣古方製所謂三黃寶蜡丸。剗重者醫之。輒不死。民得免。抵全活多州。湖潭沱河。歲葺堤。君於堤上。福植柳數年。柳成陰。民呼蔣公柳。

制府方恪敏公薦於

朝

見

賜朝衣一襲會報靖災君

自都門旋治所禱入蠲廟蝗皆南去共飛蔽河土民爭爲詩歌紀之勒諸石永昌有土司願愧法君單騎入苗洞曉以大義苗大聚會別種苗蠢動境內卒帖然他郡民來避難君厚撫之賊退而民不忍去嘗攝永昌守事爲置義倉或曰攝守乃不憚勞如是君曰苟利於民奚問攝爲會夏旱民賴倉穀得不飢乃大服錫殿有羨餘攝守時悉以歸公大府入覲嘗舉君以對上稱眞廉吏云君既歸家居有直隸雲南民數十送衣物數事至仁和縣庭曰蔣公去官時不受饋遺吾儕戴其德請以歸諸其家浙中大吏異之爲作圖紀其事

宋完一明府事略

宋君宏仁字完一直隸清豐人雍正元年進士五年知山東昌樂縣時田文鏡爲總督吏治尙嚴急而君持大體多善政其折獄務察情實不輕咎人人無不各得其意以去催科吏未嘗至里舍歲終稅不滿出俸銀充之異時商民歲出官使錢悉罷免耗羨銀三分去一鄉士大夫闔有餽遺無所受父老有獻瓜果者受之坐之堂下賜以食間歲豐歉及民間所疾苦又時出循行鄉社民有娶婦生子者勞以壺酒在官四年民大和悅以註讓去官民罔爲立生祠久之復以事過縣民相率持一錢飯滿盂逆諸境數十里不絕也

龔明水大令事略

龔君諱鑑字齡上。又字明水。錢塘人。早喪母。事父極孝。父失明。君侍左右如嬰兒。雍正初。以拔貢就選人籍。

世宗見而才之。時新析揚之江都爲甘泉。以君知縣事。縣境邵白埭。受高寶諸湖水。地卑下。君建議。當於農隙。運土築高埭。沿堤爲防。堤上卽植桑。以興蠶事。其西界地高。浹旬不雨。田卽龜坼。每一里。宜鑿塘蓄水。如是。則境內高下之田。俱無患。大吏韙之。然不能行。而邵伯埭下有芒稻河。開洩水尤要。雍正癸丑。水溢。君冒雨親至其地。呼閘官洩之。閘官以監漕爲言。持不可。會制府嵇公以視河。至。君直陳之。厲聲阿。閘官嵇公動色。卽啟開。

且立斥闢官。又用君言以鹽漕。二船過湖。需水不過六尺。若過六尺。卽啟闢。無得以鹽漕藉口。實多苦水爲民田患。自是闢水。疏通然。君終以築埂開塘二事。未得施行爲憾。

世宗晚習禪悅。僧明慧者。曾與內廷法會。出住西湖聖因寺。干謁遍大江南北。一日以書幣關白於君。君杖其使而遣之。制府驟聞。頗咎君良久。嘆曰。強項令當如是矣。吾媿之。而其事竟流傳上聞。

上召明慧還京。錮不許復出。當是時。甘泉令吏聲雄於天下。邗溝故脂膏地。吏罕以節操自持。君卓然自矢。有故侍郎子。舊嘗館君於京師。至是以里人入謁。有所屬。君拒之。又有同城官爲

制府所曉令伺察屬吏者。方有挾而請君。亦拒之。又有巨室延飲。先期自遣使大守以下。皆固要君同往。君又拒之。平居益自刻苦。終歲無一絲一粟足稱長物。喪偶不再娶。而惠政時及於民。每歲晏江都之鰥寡孤獨。多求入甘泉部中。以君有以卹之也。居六年。憂歸。尋卒。年四十有六。君於經學最深。著毛詩疏說八卷。皆傳書之暇所得也。其論春秋滕子來朝。正胡傳之失。論周禮舞師鼓人。應屬司徒。辨采芑詩。鉅人伐鼓。非互文。辨禹貢五服。正蔡傳之誤。皆獨有心得。多先儒所未發。其詩文曰龔甘泉集。

童心樸太守事略

童君華字心樸浙江山陰人年十二補諸生長習名法家言佐郡邑爲治雍正初入貴當得知縣時方集大清律例大學士朱文端薦其才

世宗召見命察賑直隸時樂亭盧龍兩縣報餓口不實君倍增其數怡賢統王方與文端治營田水利至永平問君灤河形勢君條對甚晰王器之尋補平山縣災不待報遽出倉粟七千石貸民擢知真定府權按察使事以前發粟事部議免官特詔原之五年怡賢親王奏以君理京南局水利君度真定府城外得泉十入疏爲渠溉田六百畝先後營田共三百五十頃以北

人不食稻。請官發錢買水出穀。運通倉省消費。而民得市稷黍。以爲食。王具以聞。從之。未幾。移知蘇州。其爲治精勤廉幹。發奸摘伏。如神。事有不可持之甚力。嘗是時有詔清查康熙五十一年以來江蘇負課千二百餘萬。巡撫督責急。逮捕追比無虛日。君固請寬之。巡撫怒曰。汝敢逆旨耶。君曰。華非逆旨。乃遵旨也。

皇上知有積欠。不命嚴追。命清查者。正欲清其來歷。查其委曲。或在官。或在役。或在民。或應徵。或不應徵。使了然分曉。然後奏請以俟。

聖裁此。詔書意也。今奉行者。絕不顧名思義。徒以十五年積

欠劫劫然求完納於一時是暴征非清查也曰汝欲云何曰限
準三月當部居別白分牒以報巡撫默然從其請乃量釋獄繫
者千餘人次第造冊請轉奏未幾

世宗風聞江南清查不善下詔嚴飭如君言巡撫嘗訪僧與
民婦姦製一柳兩人荷以徇君聞卽破柳出之而詣巡撫曰犯
姦者柳律也兩人共荷之非政體也且卑薄非尊官所宜問今
縱之矣巡撫謝之而心弗悅浙江總督李衛嘗募人於蘇無文
牒君不與李怒爲蜚語以聞

世宗召見責以沽名干譽對曰臣竭力爲國近乎沽名實心爲
民近乎干譽命往陝西以知府用署肅州佐經略鄂文端屯田

肅州鑿通九家窰五山引水穿渠溉田萬畝復以忤巡撫被劾
罷官歸數年卒年六十六家居嘗建宗祠置義田二百畝起屋
數所以居族人又寫義冢二區費金數千兩所著書有請田太
湖濱議九家窰屯工記鉤政條議多切於事實合詩文集計共
十餘卷